

## **Oqaluuserisassanut nassuiaat**

(Inatsisartut Siulittaasuat)

Siunnersuuteqartup oqaluuserisassaatini marluk immikkoortut 61-itut 62-itullu normullit tunuartippai.

Immikkoortup 61-ip qulequtaraa: Naalagaaffinni inuiaat ikinnerussuteqartut pillugit tunngaviusumik isumaqatigiissut (FCNM) kiisalu Europami nunat immikkoortuini oqaatsit imaluunniit ikinnerussuteqartut oqaasii pillugit isumaqatigiissutit (Oqaatsit pillugit isumaqatigiissut) naapertorlugit kalaallit Danmarkimiittut inuiattut ikinnerussuteqartut naalagaaffimmi oqartussaasunit akuerineqarnissaannik Naalakkersuisunit kaammattorneqarnissaat pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

Immikkoortup 62-ip qulequtaaa: Naalagaaffeqatigiinni oqartussat suliassaqarfik “pas” pillugu nassuiaasiornissaat siunertaralugu attaviginninnissaanik, taamalu suliassaqarfiup tiguneqarnissaa siunertaralugu, Naalakkersuisut peqquneqarnissaat pillugu Inatsisartunut aalajangiiffigisassatut siunnersuut. Passimut suliassanut ilaapput passimik tunniussisarneq aamma pinngitsoorani passeqartussaataa nermtunngasut. Inatsisitigut allaffissornikkullu kingunissai pillugit paasissutissiilluni allaatiginninneq imaqaassaaq, tiguneqarnissaanut atatillugu ingerlanneqarneranut aningaasatigullu kingunissai ilanngullugit.

Immikkoortut oqaluuserisassanit peerneqarput.

Marlunngorneq ulloq 15. november “katersuiviussaaq”, tassanilu oqaluuserisassani immikkoortut ulluni siusinnerusukkut ataatsimiiffiusuni angumerineqarsimangitsut tamarmik sularineqassallutik.

## **Ilaasortat uku akornanni taasisarnerit pillugit isumaqatigiissuteqartoqarpoq:**

Mariia Simonsen, Inuit Ataqatigiit aamma Siverth K. Heilmann, Atassut